



BUYEETI BubWAAMA MWIIKULU

Siaandikwa ne
Watson Goodman

Sesikusibwa ta

BUYEETI BUBWAAMA MWIIKULU

“BUYEETI KHUKHWAAMA MWIIKULU” Sitabu sino siarekekhebwa khuyeeta bandu khusisoma kamakhua kama-boofu kalondebwa khukhwaama mumaandiko ke Biblia.

Likhua lia Weele “liaama mwiikulu”, Naanu oli nebuyeeti bukali khumioyo kienjala nebulesia bwang’ali: omundo oweka-lukhasia nekhulekha bibi biewe nekhusubila Omuonia, Omwami Yesu Kristo, Nasubila nekumwoyo kwe kwoosi, Omwami aleyekesia khuuyo ofukilila nekhureera busaangafu nekimi-lembe mumwoyo khulwe khusubila. Ese samweene mumwaka kwa 1937, kimiaka kimikali kibirire, ese khakhalakao khulekha buwambaani bwange khu Mwami ta.

Ese khukambila mala ewewe werusie khufukilila Omwami Yesu siise sino kaba nokhakhola orio ta.

— Watson Goodman (1920-2002)

Yoana 3:16

Khubeela Weele asiima sibala mala aana Omwana wewe omutelwa, nio buli mundu omusubila alobe khutiba ta, mala anyoole bulamu bukhalwayo ta.

Yoana 13:1

Nono enyanga ekhulu eya Paska nekhooda ta, Yesu yaba amanyile ali siise siewe siolile, siekhu-rura musibala khuchia wa Papa, naye beele asiima babaandu bewe lukali.

Yoana 15:13

Salikhoo oli nebusiime bukali bukila buno ta, omundu khuaana bulamu bwewe khubeela busiime bewe.

Weele ekesia busiime bwewe khulwe khuruma Kristo afwe khubeela efwe yaba nekhusiili mu sibi. — Baroma 5:8

Yeremia 31:3

Omwami ambonekhanila khale naloma ali nakhusiima nebusiime bukhalwayo ta, khwaako nakhukhwesile mu busiime bwange.

Khukhwikulibwa 1:5

Kimilembe khurura khu Yesu Kristo Omusubilwa webuloli, Omubele khukhwinyokha mu bafu lundi Omwami owe baruki be sibala, Niye owakhusiima nekhusiinga bibi biefwe mumafuki kewe.

Matayo 1:22, 23

Kano koosi kabeele kario nio likhuwa liolelele lilialomwa nOmwami mu burume bwomung'oosi naboola ali bona Omukhaana okhamanya omuseecha ta, alaesia mala asaale Omwana, omusoleeli; Balimutiukha bali Imanuel liliekesia liri "Weele ali alala nafwe.

Mukhunyoa liabao likhuwa, likhuwa liaba mu Weele mala likhuwa lienelio liaba Weele, likhuwa lienelio lundi liekhola kumbili mala ekhala nafwe: khwabona bubwaami bwewe, bubwaami nga bwOmwana Omutelwa orura

khu Papa; eechula siisa nebung'ali. — Yoana 1:1, 14

Lili ng'ali khumenya limenya liebuWeele, Weele abonekhana mumubili, amanyikhana khuba nebung'ali muMwoyo, abonekhana nebamalaika, ayalwa mu kholo choosi, asubilwa musibala, abukulwa khuchia mwiikulu mu bwaami. — 1 Timoteyo 3:16

Yoana 14:9, 10a

Yesu ababolela ali Ese name nyile nanywe chinyanga chino choosi, Filipino okhamanya ta? Oumbone ese aba aboone Papa, neewe ooola orie oli khwekesiekho Papa? Sosubila oli ese ndi mu Papa, ne Papa ali mwise ta?

Yesu Omwana Wa Weele

3

Bakolosai 2:9

Mu niye nimwo buWeele bwoosi bweekhala, khu lubeka lwekumubili.

Isaya 9:6

Khubeela efwe, Omwana asaliwe, khwanyoolile Omwana omusoleeli nebunyali bwebubwaami bwewe buliba khumabeka kewe; naye akhalangwe, Omukeleki owekhuukia, Weele oweKamaani, Papa owamindali, Omuruki we-Kimilelmbe.

Luka 1:35

Malaika amwilamo, amubolela ali Kumwoyo kumutakatifu

kuleekha khwiwe neKamaani ka Weele oweMwiikulu kalakhufunikha nga sisiiniini; khubeela ola-saalwa alaba Omutakatifu Omwana waWeele.

Matayo 17:5

Nga yaba nasilomaloma, lola, lileesi liwanga liabakara, ne lola, kumumilo kwaama mwileesi, kwaboola kuli, yuno Omwana wange, Omusiime wange, owa-siimisia; Mumuulile.

1 Yoana 4:15

Buli ofukilila ali Yesu Omwana waWeele, Weele ekhala mu-Niye, ne yesi muWeele.

Yoana 11:25

Yesu aboola ali Ese nise lisi-simukha elio, nebulamu; ousubila, akhafwa, aba asili omulamu.

Yoana 8:23

Ababolela ali enywe muli be asi, Ese oweMwiikulu; enywe muli bemusibala muno, Ese sendi oweMusibala muno ta.

Yoana 10:7

Nono Yesu ababolela lundi ali, ng'ali ng'ali mbaboolela ndi ese nise kumuliango kweemukali kwekamakhese.

Yoana 9:5

Siise nisio ndimusibala ese ndi buwanga bwemusibala.

Yoana 13:13

Enywe munanganga muli Omwekesia lundi muli Omwami; munanganga ng'ali khubeela nga nilwo ndi.

Yoana 6:35

Yesu ababolela ali Ese nise sia-khulia siebulamu; owicha khwise salibonakho enjala ta, ne owasubila saalibakho nebulesia ta.

Yoana 4:25, 26

Omukhasi mwenoyo amubolela ali manyile ndi omukoosi niye Weele aakha kamafura aliicha, niye balanga bali Kristo; Niye nakheche, alikhufunulila kamakhuwa koosi, Yesu amubolela ali Nise olomaloma nawe oyu.

Luka 5:4-6

Nga ne amala khulomaloma, aboolela Simioni ali yesendakho alusiba, mwikhisie chindiimba niomunyoole ching'eeni; Simioni amwilamo ali Omwami, khwakhohile kimilimo kimikali silo si-oosi mala sekhwanyolilekho si-ndu ta, khubeela likhuwa lioo ndekhisia chindiimba. Nono nga bakhola bario banyoola ching'eeni chingali po, chindiimba chabwe chanja khukhalikha.

Matayo 20:30, 34

Lola, babofu babili bekhaale khungila, nga nebaulila bali Yesu niye obira, bapa kumulanga, baboola bali khuonie, Omwami

Mwana wa Daudi! Yesu abakholela siisa, abatila khumoni chabwe; mala banja khubona, mala bamulondakho.

Aalaka kumukhang'aano khukhwikhala mubunyaasi mala abukula kimikaati kiraano ne ching'eeni chibili, alola mwiikulu, abii-ta chikhabi, amesula kimikaati chana, aelesia balondi bewe mala baelesia kumukhung'aano balia mala boosi bekura; Babuusia bitonyi bie kimikaati mala biola kimiinda ekhumi nakhabili kiki-chuule. Ne babaalia baaba chielefu chiraano, baseecha bong'ene nebakhalikho bakhasi neba-baana ta. — Matayo 14:19-21

6 Yesu Omubuumbi Lundi Omwami

Baebrania 1:12

Weele munyanga chimalilisi chino akachula nafwe muMwana, niye akhola khuba nebunyali khu bindu bioosi, lundi khubeela niye abuumba sibala.

Bikholwa bie Barumwa 2:36

Nono enju eya Israel yoosi emanye eli Weele amukhola Yesu niye mwabaamba khuba Omwami lundi Kristo.

Khubeela muNiye bibindu bioosi bibiabumbwa, bieMwikulu nende biili khusibala, bibonekha nende bikhabonekha ta; chakhaba nechili chindebe cheBubwami, yakhaba bunyali namwe bu-

bwaami namwe kamalaka; bindu biosi biabumbwa khubeela khulwe engila yewe, lundi khubeela niye. — Bakolosai 1:16

Baroma 14:9

Khubeela Kristo afwa lundi aba omulamu khubeela lino, aruke babaafwa ne balamu.

1 Bakorindo 1:9

Weele ali Omusubilifu owabalinga mwingile mubulala bwOmwana wewe Yesu Kristo Omwami wefwe.

Nekhukhoselia bandu boosi bamanye likhuwa liebutuki liliekisa, nilio khukhwama khaale liliekisa muWeele owabuumba bindu bioosi. —Baefeso 3:9

Yesu Kristo Niye Omukhalaki Owa Boosi

7

Matayo 25:32

Babaandu bechikholo choosi baliebuusia ebweeni wewe; naye alibaulamo oli omwaayi nekaulamo kamakhese mumbusi.

Bikholwa bie Barumwa 10:42

Akhulakilisia khuyalile bandu khuli niye owarumwa ne Weele abe Omukhalaki owebalamu ne bafu.

2 Timoteyo 4:1

Khulakilisia ebweeni wa Weele, nebweeni wa Kristo Yesu, olikhalakila balamu ne bafu; mukhwikulibwa khwewe nebubwaambiwe.

Yoana 5:22

Ne Papa sakhalakila kumusaa-ngo omundu yesi yesi ta, neka-khali aelesia Omwana kimisaango kioosi.

Baroma 2:16

Munyanga eyo Weele nalikhakila babaandu mubikholwa bia-bwe nibio bakhola mubwekisi khulondana nekhuyaala khwange.

Baroma 14:10

Mala ewe nawe! Sina nokhalakila wandaayo kumusaango? Nenawe! siina sikila nolekelesia wandaayo? Khubeela efwe fweesi khuliima ebweeni weendebe eye-kumusaango eya Weele.

8 Khusikulwa Khwaama Khu Kristo Yeng'ene

Yoana 10:9

Ese nise kumuliango, omundu nabirira mwise, alaonesebwa; ale-ngila nekhurura, mala alanyoola kamayilwe.

Yoana 14:6

Yesu ababolela ali Ese nise engila, nebwang'ali, nebulamu; Omundu sanyala khucha wa Pa-pa nakhabirire khwise ta.

Baebrania 5:9

Namalile khukhwetekekha, aba Omwimelesi webuwonia bukhali-wayo ta, khu bandu boosi baba-muria.

Yoana 8:24

Khwako nababolela ndi muli-fwila mubibi bienywe; naye ne-mukhasubila muli Nise, mulifwi-la mubibi bienywe.

Bikholwa bie Barumwa 4:12

Sebulio buonia mumundu yesi yesi ta, khubeela mbao lisina asi weliikulu liliaebwa babaandu, li-nyala khuonia.

Baroma 3:24

Babalibwa bung'ali busa mu-siisa siewe, khungila eyekhusiku-lwa khuli mu Kristo Yesu.

Khusikulwa Khwaama Khu Kristo Yeng'ene 9

Luka 19:10

Khubeela Omwana wOmundu echa khuenja nekhunia sisiati-ba.

Khukhwikulibwa 5:9

Mala bamba lulwimbo luyia luboola luli, Ewe okhoyela khubukula sitabu esio nekhukangulula bibonelo; khubeela werwa, Wakulila Weele babaandu khulwe kamafuki koo babaandu babuli kholo nelulomo, nebalebe nechikholo.

Bakolosai 1:12-14

Nemusiima Papa, Owabanyali-la khunyoola sikelo sie buyiinda bwewe bwebutakatifu mubuwan-ga. Mala kakhurusa mumaani

kesisilema, akhuuyia mala akhwingisia muburuki bwOmwana Owebusiime bwewe; muNiye khuli nekhukulwa, liliekesia khulekhelwa bibi.

Tito 2:14

Owerusia bulamu bwewe khubeela efwe, nio akhuonie mu bibi bioosi, nekhusinga bandu omwene mala babe babewe, bali nesinani mubikholwa bilayi.

1 Bakorindo 1:30

MuNiye enywe mwabeele mu Kristo Yesu, Owakholwa khwifwe khuba bukesi bubwaama khu Weele, nebung'ali nebutakatifu nekhukulwa.

10 Buwaambaani Mumafuki Ka Yesu Kristo

1 Petero 1:18, 19

Enywe mumanyile busa muli mwasikulwa mu bindu bikhonekha ta, mu sendi namwe kamamili; munyoole khurura mungendo chenywe chikhakhoyela ta, nicho mwanyoola mu bapapa benywe; nekakhali mumafuki ke nganga, kOmwana welikheese okhali nesibi namwe sikundula ta, niye Kristo.

1 Yoana 1:7

Ne khwakendela mubuwanga, nga niye nali mubuwanga, khuwaambaane fwabene, nekamafuki ka Yesu, Omwana wewe kasiinga bibi bioosi.

Baroma 5:9

Nono likhila koosi, nekhubali-bwa bwang'ali mumafuki kewe khulasikulwa mwirima khubeela niye.

Baebrania 9:14

Nono kamafuki ka Yesu sekhila, khulwe kuMwoyo kukhaliwayo ta, kerusia bulamu bwewe khu Weele khuba sianua sikhali nesikundula ta, kalasiinga kameebasio kenye kebikholwa bibi, mwole khukhwinamila Weele omulamu.

Baefeso 1:7

Mu Niye, mumafuki kewe, khusikulwa, silelkhelo sie bibi, khulwe siisa siewe sikali.

Bikholwa bie Barumwa 16:31
Bamuboolela bali subila Omwami Yesu, olaona alala neenju yoo.

1 Yoana 5:4

Khubeela buli sisiebulwa ne Weele sikhila sibala; obuno ni-bwo bukhili bukhila sibala, elio nilio lisubila liefwe.

Baroma 5:1

Nono nekhubaliibwe bung'ali bubwaama mwisubila, khube nekimilembe mu Weele, khungila eyOmwami Yesu Kristo.

Yoana 20:31

Ne kano kaandikibwa; niomunyoole khusubila muli Yesu niye

Kristo Omwana waWeele; nemukhusubila mube nebulamu mwisina liewe.

Khubeela mwaona khulwe siasa, khungila eye lisubila; likhaama mubulamu bwenywe mwabene ta, sili sianua sia Weele; namwe sebili khulwe bikholwa bienywe ta, omundu yesi yesi akhefumia ta. — Baefeso 2:8, 9

Yoana 6:28, 29

Mala bamuboolela bali khukhole khurie niokhukhole kimilimo kia Weele? Yesu abelamo mala ababolela ali, kino nikio kimilimo kia Weele, mumusubile Niye owarumwa naye.

Esapuli 103:11

Nga nilwo liikulu lianikha angaaki wesibala, sikelo sienesio sili nga siisa siewe khwabo babaamuria.

Esapuli 103:17

Siisa siOmwami sili khwabo babaamuria khukhwaama miaka na mindali, nebung'ali bwewe buli munjibulo choosi.

Mika 7:18

Weele naanu olinga Ewe, Obeela bamayaanu, nekhulekhela babaandu bemubwaami bwewe abo babatong'a? Saali nelirima kimiaka kioosi ta, khubeela niye asangalila siisa.

Tito 3:5

Sebili khubeela bikhholwa nibio khwakhola biang'ali ta; nekakhali siisa siewe, khulwe khusiinga nekhusaalwa khwekhaabili nekhukholwa bayia nekuMwoyo kumutakatifu.

Esapuli 108:4

Khubeela siisa sioo sikali khukhwoola mwiikulu, nebung'ali bwoo khukhwoola mumaleesi.

Sitabu sie Kamasika 3:22, 23

Sili siisa sia Weele mbo khukhabuna ta, khubeela siisa siewe sesiakama ta, siyia busia busia; bung'ali bwoo buli bukali.

Isaya 1:18

Nono, yicha khukachule, Omwami oloma. Bibi bienywe biakhaba nebiabesema nga kamafuki, bilaba biwanga nga liarara; biakhaba bibesemu nga ependera bilaba nga bufumbo buwanga.

Nono buli owebulesia, yicha mumechi, ne okhali ne chisendita, yicha mukule mulie; eee, nemwiiche mukule endali nekama-beele; atakha chisendi nekumuru-ngo.
— **Isaya 55:1**

Matayo 11:28

Nemwiiche nio ndi, mweesi munyakhana mukhililwe nebi-nywa bie bibi nase ndabaulusia.

Khukhwikulibwa 22:17

NekuMwoyo kumutakatifu alala nOmukhasi omwea baboola bali yicha! Ne oulile alome ali oli nebulesia eche; ne naye owe-nya, abukule kameechi kebula-mu busa.

Yoana 7:37

Ne enyanga emalilisi, enyanga ekhulu, Yesu ema, apa kumulanga naloma ali oli nebulesia, eche nio ndi mala anywe.

Nono khuli barumwa khulwa Kristo, Khubeela Weele amenya mukhanua mwefwe; khubeela Kristo khusaba muambaane ne-Weele.
— **2 Bakorindo 5:20**

14 **Sebali Boosi Bali Babaana Ba Weele Ta**

Yoana 1:12

Boosi babamufukilila abaa bunyali khuba babaana baWeele, abo babaasubila lisina liewe.

1 Yoana 3:10

Muli babaana baWeele bama-nyikhaane, ne babaana baSitaani boosi bamanyikhaane Omundu yesi okhakhola bung'ali ta, saali owa Weele ta, namwe okhasiima wandaaye ta.

Baroma 8:14, 15

Khubeela boosi nibo kuMwoyo kwa Weele kwimelela, abo nibo babaana baWeele khubeela semwanyoola kumwoyo kweburumwa kureera buuri ta; mwanyoo-

la kumwoyo kwekhukholwa khuba babaana kukila nekhulila khuli Aba, liliekesia Papa.

Mube babaana baWeele bakhalekwa ta, namwe bubeeyi, bakhali nesibi akari welulwibulo lwe sileka, lulwonekha; akari wabwe mubonekhana buwanga musibala. — Bafilipi 2:15

2 Bakorindo 6:17, 18

Khwako mubaruremo, mwaukhane nabo, Omwami aloma, mukhatilakho sindu sinyaalulu ta, Nase ndabaakanila. Ndaba Papa wenywe, nanywe mulaba babana bange, besiseecha nebesikhasi Omwami owebung'ali aloma.

Niko Weele Aloma Khu Malwa Kareera Bumeesi 15

Chisimo 23:31-32

Okhalola khu malwa nekaiile ta; nekabiita lifuro mu sikopo, lifuro nelikwa kalaa; ekhumalilikha buchuuna nga buchiba bweendemu.

Isaya 5:11

Butinyu bwanyoola abo babe-nyokha mumakhelebende khuyima kamalwa; nebekhalamo khukhwoola siilo mala kaburukha busa oli kumulilo mu nibo.

Bagalatia 5:19-21

Ebino nibio bikholwa biekumubili biili abuwanga, buweeyi, bunyaalu, khukhweekomba khubi, khukhwinamila bifwanani, bu-
loosi, busiku, bulomani, libuba,

lirima, kamachii, khukhweyaukhania, khukhwirubura, bubwiiri, bumeesi, bulianga, lirima, nekamakhuwa kafwanana kario, khwako nyoa khubabolela nga nababolela mataayi, ndi bakhola bario sebaliruka mubwaami bwa Weele ta.

Baroma 13:13, 14

Khukende nga likhoyekhaane khukenda kumuusi; khube nekimima kimilayi; akhali bulianga nebumeesi ta, khulekhe bubu, buweeyi, bulomani nelibuba mala khwefwaale Omwami Yesu Kristo, nemukhalolelela kumubili mala liliikomba liakwo liaba likali mumubili ta.

16 Khukhweyikinwa Khwong'ene Sekhunyalala Ta

Eliyo engila ebonekhana khuba endayi khu mundu; mala ekhumalilikha khwayo eli engila eyelifwa. — Chisimo 16:25

Marko 10:17-22

Nekaba nali khungila arekukha, omundu mulala eecha chimbilo amusikamila, mala amureba ali Omwekesia omulayi, amureba ali khole ndiena nyoole bulamu bukhalwayo ta? Yesu amukobosia ali unangile orie oli omulayi? saliyi omulayi ta nakhali mulala niye Weele. Omanyile kamalaka, Okheera, Okhaeyana, Okheeba, Okhaloma bu-beeyi, Okhabea, Ria rarao ne mao. Amubolela ali Omwekesia

kano koosi nakatila khukhwaama bwaana bwase. Yesu amulolelela chiimoni, amusiima, amubolela ali wabombelelwe nelikhuwa lilala. Nochie okusie nibio olinabio bioosi, mala okabe bataambi, nawe oliba nelibikhilo mwiikulu; mala unondekho. Mala niye anyiisia mumoni khwikhuwa lienelio arekukha nabelele; khubee-la niye aba nekimiaandu kimi-kali.

Amubolela ali Siima Omwami Weele woo nekumwoyo kwoo kwoosi nebulamu bwoo bwoosi alala nekamakesi koo koosi, Elino nilio lilaka liboofu, lundi nilio linyoa. — Matayo 23:37, 38

1 Yoana 3:7, 8a

Baananywe, omundu akhababea ta; okhola bung'ali ali nebung'ali, nga nilwo niye ali nebung'ali; Okhola bibi owa Sitaani; khubeela Sitaani akhola bibi khukhwaama khale.

Khubeela bakali baliicha mwisina liange, nebaboola bali efwe nifwe Kristo; mala balibea bakali. — Matayo 24:5

1 Bakorindo 6:9, 10

Namwe semumanyile muli babi sebaliruka mubwaami bwa Weele ta? Bakhamubea ta; banyaalu sebaliruka mubwaami bwa Weele ta, yakhaba babenamila bifwanani, namwe buweeyi

namwe bubu bwoosi namwe babefwi, babeekomba namwe bameesi namwe bakhoma bandu namwe banuuli.

Bagalatia 6:3

Omundu nebona mbo alisindu, saali sindu ta, ebea busa bulamu bwewe.

Mala mube bakholi belikhuwa, mukhaba busa baulila ta, mala nemwebea busa bulamu bwenywe. — Yakobo 1:22

Baefeso 5:6

Omundu akhababea mumakhuwa kakhakhoyeele ta; khubeela ako lirima lia Weele linyala liechela babaandu be siileka.

Chisimo 11:19

Bung'ali niyo engila eecha ebulamu; Olonda khumabi alonda lifwa liewe omweene.

Baroma 5:12

Khubeela omundu mulala siibi siengila musibala sioosi, nekhulwe siibi sienesio lifwa liecha; nekhulwaako lifwa liolelela buli mundu khubeela boosi bakhola siibi.

Luka 15:32

Nekakhoyeele khusangale khubeela wandaayo beele afwile mala alamuukhe; beele aatiba, mala abonekhaane.

Yakobo 1:15

Ne liliikomba linanyoola enda, lisaala siibi, ne siibi sinaba sikali sisaala lifwa.

Baroma 8:6

Khubeela enganakani eyekumubili eli lifwa; ne enganakani eyekumwoyo eli bulamu nekimi-lembe.

Ezekiel 18:20

Kumwoyo kukhola siibi nikwo kukhafwe; omwana saalibukula siibi sia rarawe ta, namwe rarawe saalibukula siibi siOmwana ta; bung'ali bwoyo owang'ali buliba khumweene; bubi bwoyo omubi buliba khumweene.

Luka 7:14, 15

Esenda, atila khwisanduku li-Omufu; yaba bamusutile beema, aloma ali, Musoleeli, khubolela ndi, inyokha. Omufu chana enyokha mala ekhala, anja khulomaloma. Aakanisia mawe.

Ese nise omulamu; abeele nafwa, nebona ndi omulamu kimika na mindali. Nase ndi nebufunguo bweliifwa, nende bweemakombe. — Khukhwikulibwa 1:18

Khwaako Papa asiima, khubeela mbaana bulamu bwange, lundi ndi nebunyali bwekhububukula. Mbao omundu onyala a abundusirao ta, nekakhali samwene oana. Ese ndi nebunyali bwe-

khurusia bulamu bwange; ndi nebunyali bwekhububukula lundi. Lilaka lienelio nalinyoola khu Papa wange. — Yoana 10:17, 18

Khubeela linyalikhana Niye aruke, mala are basiku bewe boosi asi webikele biewe. Omusiku omumalilisi olikalukhasibwa nilio lifwa. — 1 Bakorindo 15:25, 26

Yoana 11:43, 44

Ne amala khuloma ario, mala alila lukali mala aloma ali Lasaro, rura mung'ani. Obeele omufu aruramo naboilwe chingubo bikele nekimikhono, ne beele aboilwe lileeso mu bweeni. Yesu ababolela ali mukangulule, muklekhe akende.

Sitabu sie Kamalaka 5:7-21

Okhaba nende weele babaandi ta, akhali ese seng'ene; Okhekholela sifwanani sibaache ta, namwe lukondo lwesisindu siosi siemwiikulu angaaki namwe siemusibala asi, namwe siemumeechi asi musibala.

Okhabiinamila ta, lundi okhabirumikhila ta.

Okharumbura busa lisina li-Omwami Weele woo ta; Khubee-la Omwami salilekhela omundu olanga busa lisina lieve ta.

Olinde enyanga eya Sabato okiaule nga Omwami Weele akhulaka. Chinyanga sita khola ki-

milimo kioo kioosi, Ne enyanga eya saba niyo eSabato yOmwami Weele woo...

Ria Papa woo alala ne Mayi woo nga Omwami Weele woo akhulaka mala obe nechinyanga chingali khusibala...

Okheera ta.

Okhaeyana ta.

Okheeba ta.

Okhakholela owasio kamachii ta.

Okhekomba omukhasi wowasio ta; Okheekomba enju eyowasio ta, yakhaba kumukunda kwe-we ta. Yakhaba omurumwa wewe owesiseecha namwe owesikhasi

ta, yakhaba ekhafu yewe namwe
epunda yewe ta, yakhaba sindu

siosi nisio ali nasio okheekomba
ta.

Sonyala Khukhwekisa Mumoni Cha Weele Ta 21

Chisimo 15:3

Chimoni chOmwami chili buli
abundu oosi, chilolelela kamabi
nekamalayi.

Luka 8:17

Khubeela mbao likhuwa lilie-
kisa likhanyala khubulwa ta, na-
mwe lifunikhwa likhanyala khu-
bonekhana abulafu.

Esapuli 139:8, 12

Nakhanina mwiikulu, Ewe oli
ebweneyo; Nakhaala bulili bwa-
se eMakombe Ewe oli ebweneyo
... Yakhaba sisilema sesikhuki-
sa ta, Ne siilo sili busa oli buwa-

nga bwekumuusi; Siilo nekumu-
si khwiwe bifwanana busa.

Ayubu 34:21, 22

Khubeela chimoni chewe chi-
lolelela chingila chOmundu lu-
ndi abona khukenda khwOmundu
khwoosi, Mbao bumali, namwe
sisilema, Mbao khukhwekisa
khwabo bakhola bunyalu ta.

Yeremia 23:24

Aliyo omundu yesi onyala khu-
khwekisa Ese ndobe khumubo-
na? Omwami areeba; Senakaliaa
mwiikulu nemusibala? Omwami
aloma.

22 Kumusaango Kwamindali Khwaabo Bakhola Bunyaalu

Esapuli 9:17

Babi bakhache eMakombe, babenabo nibo chikholo chichebiliba Weele.

Matayo 25:46

Ne abo bakharure bachee mumusaango kwa mindali; nebang'ali bakhache mubulamu bwamindali.

Matayo 13:41, 42

Omwana wOmundu aliruma bamalaikabe, balikhung'aasia khurura mubuli buruki bwekamabi koosi, nende abo bakhola bumayaanu, nekhubamwata mumulilo kufwana nga kwelirumbi;

ebweneyo khulibayo khulila nekhusia kameeno.

2 Petero 3:7

Nono liikulu liebisee bino alala nesibala biabikhibwa kumulilo nekhwikhua chana bikhalindwe khukhwoola enyanga eyekumusaango, nekhutiba khwe babaa-ndu bakharia Weele ta.

Matayo 18:8

Nekumukhono kwoo namwe sikele sioo nebikila nokhola bubi, bireme, mala omwaate aleii; bulayi wingile mubulamu noli omuleme khukhila khuba nekimikhono kibili nebikele bibili mala bakhumwaate mumulilo.

Baebrania 9:27

Ne nga nilwo liakhalakwa khu bandu boosi khufwa lulala neenyuma wekhufwa kumusaango.

2 Bakorindo 5:10

Khuba fweesi khukhoyeele khubonekhana ebweeni wesisaala siekumusaango sia Kristo, buli mundu aebwe kwako niko kakholala mumubili nekali kamalayi namwe nekali kamabi.

2 Petero 2:9

Khwako, Omwami amanyile khuonia abo babamura mukhute-mwa, nekhubabikha bakhali bang'ali mumusaango munyanga emalilisi.

Bikholwa bie Barumwa 17:31

Khubeela amalile khurao enyanga niyo alikhalakila sibala mung'ali, khulwomundu niye amala khukhwaula; niye asubisa bandu boosi kamakhua kano, khulwe khumwinyosia mubafu.

1 Yoana 4:17

Mubusiime buno nimwo muli bulamba bwefwe, khube nebukhili enyanga eyekumusaango; khubeela nga nilwo ali, nelundi nga fweesi khuli musibala sino.

Nono kali kario, buli mundu akari wefwe akharusie kamakhua kewe omweene ebweeni wa Weele. — Baroma 14:12

2 Bakorindo 8:9

Khuba mwamanya siisa siOm-wami wefwe Yesu Kristo, yakha-ba nekaba omuyinda ekhola khu-ba omumanani khubeela efwe, nio mubumanani bwewe efwe khube bayinda.

Bikholwa bie Barumwa 4:33

Ne Barumwa barusia buloli bwabwe khulwe khukhwinyokha khwa Yesu mu bafu nekamaani, ne siisa sikali siaba khu boosi.

Baroma 5:15

Nono sianua esio sesiaba nga sibi ta, khubeela nga mulala nekakhola sibi mala bakali boosi bafwa, nono khukhilao siisa sia

Weele siabonekhane, ne sianua si-li mu siisa siOmwami mulala Yesu Kristo, siisa siewe siabeele sikali khu baali bakali.

1 Petero 5:5b

. . . Khubeela Weele ayingania besileka, ne aelesia siisa khwabo bamuria.

Nekhumalile khubalibwa bang'ali khulwe siisa siewe, khukhole bakali baruke mubulamu bukhaliwayo ta, elino nilio lisubila liefwe. — Tito 3:7

Weele asiimibwe khubeela sianwa siewe, sekhunyala khusifumia nga lienyekhana ta, sikala sikali muno. — 2 Bakorindo 9:15

Ezekiel 18:31

Mwekalukhasie, mulekhe bibi nibyo mwakhola; mube neku-mwoyo kumuyia; siina nemwenya khufwa enywe enju eya Israel?

Matayo 3:2

Mwekalukhasie khubeela bu-bwaami bwa Weele bwolile.

Luka 13:3

Mukaania ndi sekali kario ta; nemukhekalukhasia, enywe mweesi mulatiba busa murio.

Bikholwa bie Barumwa 3:19

Mwekalukhasie mala mwiche, bibi bienywe birusibweo mala chinyanga chekhukhwekhoya ni-cho Omwami akhuelesia.

2 Bakorindo 7:10

Khubeela khubelela khufwaa-na khwa Weele, khurera khukhwekalukhasia lundi khurera buonia, nekhubelela khwesibala khurera lifwa.

Bikholwa bie Barumwa 17:30

Nono, chinyanga chekhaale chebusilu Weele ekhola busa nga okhabona ta, ne mu bise bino alaka bandu boosi babuli abundu khukhwekalukhasia.

Mubolela ndi, bulio busangaa-fu mwiikulu khubeela mulala owekalukhasia mala alekhe bibi, khukhila kamakhuumi tisa nende tisa bakhenya khukhwekalukhasia ta. — Luka 15:7

Khubeela nemubeela babaandu bibi biabwe, ne Papa wenywe Owemwiikulu alababeela bibi bi-
enywe. — Matayo 6:14

Ne Yesu nga abona lisubila liabwe, abolela omulwale owelikara ali Mwana wange, walekhelwe bibi bioo. — Marko 2:5

Bikholwa bie Barumwa 5:31

Omwenoyo, Weele amukhola khukhwikhala kumukhono kumusecha kwewe, abe Omukhulu lundi abe Omuonia aelesie Israel khukalukhasibwa nende khube-
lwa bibi.

Ezekiel 18:21

Ne omubi nakalukhana mala alekha bibi biewe bioosi nibio

akhola, nekhutila kamalaka kaange koosi nekhukhola kakenyibwa lundi nekhukhola bung'ali, Okhola ario, ng'ali ng'ali akhamenye, salifwa ta.

Isaya 55:7

Omubi alekhe chingila chewe, ne omundu okhali owang'ali alekhe chinganakani chewe; Mala akalukhile Omwami, Naye alamubeela, ache khu Weele wefwe, Naye alamulekhela.

Khukhwikulibwa 3:20

Lola, nemile khu muliango, nanga, omundu oulila likono liase nekhukhwikula kumuliango, ndaba mumwoyo kwewe lundi khalie naye, yesi akhalie nase.

Isaya 1:16

Mwesiinge, mweng'oone; murusie bibi bienywe ebweeni wemumoni change; lekha khukhola kamabi.

Bakolosai 3:2

Kanakananga kamakhuwa kaangaki, okhebasia kekhusibala ta.

Yakobo 4:4

Enywe baeii bebuweeyi, semu-
manyanya muli omusaale wesibala
niye omusiku wa Weele ta? Owe-
khola khuba omusaale wesibala,
ekhola khuba omusiku wa Weele.

Khubeela siisa sia Weele sionia
bandu boosi siabonekhaane; si-
khwekesia khukhwekaana nekh-

khwekoomba sibala; khunyoole
khumenya bulayi, nende bung'a-
li bwebuWeele, musibala sia
luno. — Tito 2:11, 12

1 Yoana 2:15, 16

Mukhasiima sibala nende ka-
makhua kalimo ta, Omundu osii-
ma sibala, busiime bwa Papa saa-
li nabwo ta, buli sili musibala,
khukhwekoomba khwekumubili,
khukhwekoomba khwechimoni
nesileka siebulamu, ebio sebirura
wa Papa ta, wabula biemusibala
muno.

Baefeso 5:11

Mukhaambaana nende bikho-
lwa bikhasala lundi biesisilema ta,
bulayi mubirafwire.

Ezekiel 36:26

Ese ndabaelesia kumwoyo kumuyia, ndarusiamo kumwoyo kwelibaale mumubili kwenywe, ndabaelesia kumwoyo kweenyama.

1 Yoana 5:18

Khumanyile busa khuli omundu yesi owebulwa ne Weele sakhola bibi ta; Owebulwa ne Weele elinda omweene, ne omusiku samutilakho ta.

1 Petero 1:23

Khubeela mwebulwa khabili; semwebulwa mubumicho bubwo-

nekha ta, mwebulwa mwikhua lia Weele liebulamu bwamindali.

2 Bakorindo 5:17

Omundu yesi naba mu Kristo, aba sibuumbe siyia; biekhaale biabira; lola! bioosi biaba biyia.

Yoana 1:12

Boosi babamufukilila abaelesia bunyali khuba babaana ba Weele, nibo basubila lisina liewe.

Yoana 3:3

Yesu akalusia amubolela ali ng'ali ng'ali khubolela ndi omundu okhebulwa khabili salibona bubwaami bwa Weele ta.

Khufwa Mu Bibi — Mala Khukhwinyokha Mu Kristo 29

Baefeso 2:1, 6

Enywe mwaba bafu khubeela bibi bienywe . . . Akhwinyosia mala akhwikhasia khube naye musibala siekumwoyo, mu Kristo Yesu.

Baroma 6:2, 11

Efwe khwafwila sibi lundi khumenya khurie musibi? . . . Khwaa-ko mwekhole nga bafu musibi, mala mube balamu wa Weele mu Kristo Yesu.

Bakolosai 3:1, 3

Nono nemumalile khukhwinyokha ne Kristo, muenje keMwii-kulu, Kristo niyo ali, ekhaale ku-

mukhono kumuseecha kwa Weele . . . khubeela mwafwa nebulamu bwenywe bwekisa mu Kristo nende mu Weele.

1 Petero 2:24

Niye Omweene abukula bibi biefwe mumubili kwewe khumusala; nio nekhuba bafu muma-khua kesibi, khube balamu mumakhuwa kang'ali; mukhupwa khwewe efwe khwaona.

Bagalatia 5:24

Abo baali baKristo Yesu bamala khubambwa kimibili kiabwe alala nekhukhwekoomba khubi.

Yoana 17:3

Bulamu bwamindali nibwo bunno, bakhumanye Ewewe Weele Owang'ali yeng'ene Yesu Kristo niye waruma.

Yoana 5:24

Ng'ali ng'ali mbabolela, ouli la likhua liange nekhusubila Oyo owanduma ali nebulamu bwamindali; salingila mumusaango ta, abirire khukhwama mwifwa nekukhwingila mubulamu.

Baroma 6:23

Khubeela kumurungo kwesibilifwa; nekumurungo kwa Weele nibwo bulamu bwamindali mu Kristo Yesu Omwami wefwe.

Yoana 3:14, 15

Nenga nilwo Musa enyosia endemu musichiimi, Omwana wa Weele yesi alinyosebwa, buli mundu omusubila abe nebulamu bwamindali mu niye.

Yoana 3:36

Osubila Omwana ali nebulamu bwamindali; okhasubila Omwana salibona bulamu ta, lirima lia Weele liamwikhalekho.

Bagalatia 6:8

Obiala mumubili kwewe, mumubili kwewe alifuna bubu; obiala mumwoyo alifuna bulamu bwamindali.

Bagalatia 4:6

Enywe mwabeele babaana, Weele aruma kumwoyo kwewe mumioyo kiefwe, olila ali Aba, liliekesia Papa.

1 Yoana 4:13

Mu lino khumanyile busa khuli khwekhala mu niye, ne niye mwifwe, akhuambania nekumwoyo kwewe.

Yoana 4:21

Oyo oli nende kamalaka kaa-se, nekhukatila, omwenoyo niye owasiima; alisiimwa ne Papa wange, sesi ndamusiima nekhukhweyokesia khu niye.

Baroma 8:16

Kumwoyo kumweene kwebuula khumioyo kiefwe mbo khuli babaana ba Weele.

Yoana 3:18

Babaana batiti, khukhasiima khulwe likhua liong'ene ta, namwe khululimi ta, wabula khulwe bikholwa nebung'ali.

1 Yoana 3:24

Otila kamalaka kange ekhala mu niye, ne yesi mu niye. Mu lino khumanyile busa khuli amenyile mwifwe mumwoyo nikwo akhuwa.

32 Khumenya Khwa Kristo Mumioyo Khureera Busaangafu

Baroma 14:17

**Khubeela bubwaami bweMwii-
kulu sebuli khunya nekhulia ta,
wabula buli khukhola ng'ali, khu-
ba nekimilembe nebusangaafu
mumwoyo kumutakatifu.**

Esapuli 16:11

**Unjekesie engila eyebulamu;
Ebweeni woo bulio busangaafu
bukali; mumukhonokwo kumu-
seecha mulimo kamalayi kebula-
mu bwamindali.**

Bagalatia 2:20

**Nabambwa ne Kristo; ndi
omulamu; sendi ese ta, Kristo
omulamu mwise; bulamu nibwo
menyile mumubili musise sino,**

**ndi nabwo mwisubila liOmwana
wa Weele, owasiima mala erusia
bulamu bwewe khubeela ese.**

Yoana 15:11

**Kamakhua kano nababolele,
khukhwikhoya khwange khube
mwinywe, nekhukhwikhoya
khwenywe khwichule.**

Isaya 12:3

**Nono khulwe busangaafu, mu-
lataa kameechi musebele chebuo-
nia.**

Yoana 17:13

**Mu bise bino nicha niyo oli;
kamakhua kano nakachule mu-
sibala, busiime bwange bwechuu-
le munibo.**

Baroma 6:16

Semumanya muli oyo niye mwerusila bulamu bwenywe khuba barumwa mukhuria niye, mwabele barumwa bewe khulwe khumuria, yakhaba khukholela sibi sireera lifwa, namwe khukholela bulayi bureera bung'ali.

2 Basesalonike 1:7-9

Nekhubarunga enywe munyoola kamatinyu alala nafwe; khukhwikulibwa khwOmwami Yesu khurura mwiikulu alala nebama-laika bebunyalibwe; munjaso chekumulilo; Eno nakhallila kumusango lulwibulo lukhamanyile Weele ta, nenaabo bakharia li-

khua lilayi liOmwami wefwe Yesu; balinyasibwa siinyasio siami-ndali, nekhukhwaulibwa khurura mubweeni bwOmwami nebu-bweela bwekamaani ke.

1 Samweli 12:15

Nemukharia kumumilo kwOmwami ta, mala nemwonaka kamalaka kOmwami, kumukhono kwewe kulaba khwinywe nga kwaba khu Papa benywe.

Bikholwa bie Barumwa 2:38

Petero ababolela ali mwekalukhasie buli mundu mwisina lia Yesu Kristo, munyoole khulekhelwa bibi bienywe, nemulanyoola sianua siekumwoyo kumutakati-fu.

1 Yoana 2:23

Buli oweekana Omwana, saali ne Papa ta, ofukilila Omwana ali ne Papa yesi.

Matayo 10:32, 33

Omundu yesi oliyama ese ebweeni webabaandu, sesi ndimweyama ebweeni wa Papa wange oli mwiikulu, ne omundu yesi oliiekana ese ebweeni webabaandu, sesi ndimweekana ebweeni wa Papa wange oweMwiikulu.

Baroma 10:9, 10

Khubeela neweyama Yesu nekumunwa kwoo oli niye ali Omwami, nekhusubila mumwoyo kwoo oli Weele amwinyoosia mu

bafu, Olaona, khubeela khulwe kumwoyo omundu asubila nekhu-nyoola bwang'ali, ne lundi nekhu-lomaloma nekumunwa kwewe mala anyoole buonia.

Luka 9:26

Khubeela buli olibona chisoni khulwe kamakhua kange, Omwana wOmundu yesi alimubonela chisoni omundu mwenoyo nga nakheeche mubwaami bwewe nebwa Papa alala nebamalaikabe batakatifu.

Buli lulimi lweyame mbo **YESU KRISTO NIYE OMWAMI**, khulwe bubweela bwa Weele Papa. — Bafilipi 2:11

1 Petero 5:8

Mube meeso; khubeela omusiku wefwe sitaani akenda nga etalang'i naenja niye anyala kalia.

Baefeso 6:11

Mwefwaale bilwaani bioosi bia Weele munyoole khuyingania bubei bwa Sitaani.

Matayo 4:1, 10, 11

Yesu emililwa nekuMwoyo khuchia musichiimi khukhakwa neSitaani... Yesu amubolela ali khoche Sitaani; sikila liandikibwa mbo winamile Omwami Weele woo, Omwinamile yeng'ene. Abwenao Sitaani amulekha mala bamalaikabe bamurumikhila.

2 Basesalonike 2:9

Oyo owicha, khukhwicha khwewe khukhabe msifwanani sia Sitaani, nekhukhola kimilimo kiewe mumaani kamakali alala nekhukhola biekamayia kekhubea.

Bikholwa bie Barumwa 26:18

Obekule chimoni chabwe, Obakalukhasie, balekhe sisilema mala bakende mubuwanga, balekhe kamaani ka Sitaani mala bakholele Weele; mala banyoole khubeelwa khwe bibi biabwe khulwe khurukwa mwisubila nilio ndi nalio.

Yakobo 4:7, 8a

Nono murie Weele. Muyinganie Sitaani, naye alabelukha. Yakaanila Weele yesi alabakaanila.

Baebrania 2:14

Nono nga babaana baambaanile kamafuki nekumubili, yesi aba busa ario, mungila ng'eneyo eyelifwa onake oyo owekamaani kelifwa, liliekesia Sitaani.

1 Yoana 3:8

Okhola sibi aba ali owaSitaani; khubeela Sitaani akhola bibi khukhwama khaale. Khu kano Omwana wa Weele abonekhana khukhwonaka kimilimo kia Sitaani.

Baroma 8:35, 37

Nanu olikhwaukhasia nebusiime bwa Kristo? Butinyu, namwe busiro namwe khunyasibwa namwe enjala, namwe sichula, namwe bubi namwe khukhwirwa? Mumakhua kano koosi khukhila lundi khuli nebukhili bukali muyo owakhusiima.

2 Basesalonike 2:8

Abwenao alibonekhana oyo omumayaanu, omwenoyo, Omwami Yesu akhamwire nekumunya kwekumunwa kwewe, alimwonaka mukhubonekhana khwewe.

**Busiime Nibwo Bubwekesia Khulonda Yesu
Khuba Barumwa**

37

Yoana 13:35

Khwaako bandu boosi balimanya busa bali enywe mwamalile khuba babeeka bange, nemuba nebusiime khwinywe mwabeene.

Yoana 21:16

Ababolela lundi ali, Simioni wa Yoana wasiima? Amukalusia ali ee, Omwami ewe omanyile busa oli nakhusiima; Amubolela ali, linda kamakhese kange.

1 Bakorindo 13:1

Nakhalomaloma munimi chebabaandu nende chebamalaika, nekhali nebusiime, aba nabele oli kumukasa kulangilila busa namwe sisindu sisakaya busa.

Bagalatia 5:22, 23a

Ne bibiamo biekumwoyo nibwo busiime, busangaafu, kimilembe, khukhwekhalilikha, bubweela, siisa, bubwesikwa, bureke-refu nekhukhwelinda.

1 Yoana 4:20

Omundu nabola ali nasiima Weele mala nabiila wandaaye, omwenoyo omubei; khubeela okhasiima wandaaye niye abonakho, sanyala asiima Weele niye akhabonakho ta.

1 Yoana 5:39

Okhuno nikhwo khusiima Weele, khulinda kamalaka ke. . .

Marko 16:9

Nga amala khukhwinyokha mumakhelebende enyanga enyoya mwichuma, abonekhana ne Maria Magadalene, omwenoyo niye amurusiamo bisieno saba.

Bikholwa bie Barumwa 10:39-41

Ne efwe khuli baloli bekamakhua koosi niko akhola yakhaba musibala sieBayaudi nende sia Yerusalemu; niye beera mala bamubamba khumusala. Omwenoyo Weele amwinyosia munyanga chitaru, amunyalila khubonekha, sekhuli khubonekha khu bandu boosi ta, wabula khubaloli babamala khulondebwa ne Weele, ni-

bo efwe, khukhwalia nekhunywa alala nenaye namalile khukhwinyokha mubafu.

Yoana 20:26-28

Ne lwanyuma lwechinyanga munaane, babeekabe yaba bali munju, ne Tomasi alala nabo. Yesu eecha nebafungile kimilia-ngo, mala niye ema akari wabwe munju nabola ali, kimilembe kibe khwinywe. Mala abolela Tomasi ali reera lulwaala lwoo; Lolelela kimikhono kiange; reera kumukhonokwo okure mumbafu change; okhaba omundu okhali omusubili ta, wabula obe omusubili, Tomasi amubolela ali, Omwami wange lundi Weele wange.

Khukhwinyokha Khwebafu Nilio Lisubila Liefwe 39

Matayo 16:21

Mu sise sienesio Yesu achaka khukambila babeekabe ali likhoyeele khucha Yerusalemu nekhunyoola kamakhako kamakali khubasakhulu nende khubelwaa-chi bakhulu nebaandiiki, nekhu-khwirwa mala ninyokhe enyanga eyekhutaru.

Baroma 6:3-5

Semumanya muli efwe babe-nikhwa mumechi khulwe khubatisibwa mu Kristo Yesu khwabatisibwa khukhwingila mukhufwa khwewe ta? Khwako khwasikhwa alala nenaye mungila eyekhubatisibwa mukhufwa khwewe, No-

no nga Kristo enyokha khurura mubafu khulwe bubwaami bwa Papa, fweesi khurio khukende mubuyia bwebulamu. Nga nilwo akhuambania mwifwa liewe, lundi alikhuambania musifwanani siekhukhwinyokha khwewe.

Yoana 5:28, 29

Mukhauka khubeela kamakhua kano ta; Khubeela siise sikheeche mala bafu boosi baali mung'aani balinyokha khulwe khuulila kumumilokwe. Nabo balinyokha; bakhola kamalayi balinyokha khucha mubulamu, nebabakhola kamabi balinyokha khucha mumusaango.

Baefeso 1:4

Nga nilwo akhurobora muniye sibala nesikhabao ta, efwe khu-be batakatifu babaandu bakhali nesikundula ebweeni wewe mubusiime.

Baefeso 4:24

Mufwaale bundu buyia bubwabumbwa ne Weele mung'ali nebutakatifu buli mung'ali.

1 Petero 1:15

Nga nilwo owabalanga ali omutakatifu; mweesi mube batakatifu mulukeendo lwenywe lwoosi.

2 Bakorindo 7:1

Nono basiime bange, khubee-la khuli nende khusubisibwa

okhwo, khwesiinge bulamu bwe-fwe musifwabi sioosi siekumubili nekumwoyo khwoselesie butakatifu mukhuria Weele.

2 Timotheo 2:21

Ne omundu namalile khukhwesinga khulwe khukhweyaukhasia nenabo, niye alaba sibuumbe sikhoyeele efuma, sisiasiingwa, nisio Omwami ekhoyela khurumikhila khulwe kimilimo kimilayi.

2 Petero 1:2

Nga nilwo Papa anyoa khubamanya khulwe khusiingwa neKumwoyo, mwanyoola khuria khulwe khuanyiibwa kamafuki ka Yesu Kristo. Siisa nekimilembe bibe bikali khwinywe.

Isaya 35:8

Abwenao ekhabeo engila emboofu, ekhalangwe, Engila eyebutakatifu; bakhali balayi sebalikendakho ta; ekhabe engila eyebaandu abo; bakenda, yakhaba basilu, sebalitiba khungila yino ta.

Baebrania 13:12

Khubeela kano Yesu naye, asii-
nge babaandu nekamafuki kewe
Omweene, niye anyasibwa enje
welukoba.

Matayo 3:11

Ng'ali ese mbeenikha mumechi khulwe khubabatisia khubeela khukhwekalukhasia Oyo oleecha enyuma wange ali nekamaani

khukhila ese, ese sendi okhoyeele khufwaala mubiraaro biewe ta, omwenoyo alibabatisia muMwoyo kuMutakatifu nekumulilo.

Luka 1:74, 75

Mbo niye alikhunyalila efwe khuona mumikhono kiebasiku befwe, khulimwinamila akhali khukhweendekhelela ta, mubutakatifu nemubung'ali ebweeni wewe chinyanga choosi.

1 Yoana 1:9

Efwe nekhweyama bibi biefwe, Niye ali Omwesikwa lundi Owan-
g'ali anyala khurusiao bibi biefwe nekhukhusiinga nebumayaa-
nu bwoosi.

42 **Babaandu Babechula kuMwoyo Kumutakatifu**

Ezekiel 36:27

Ese ndibaraamo kumwoyo kumutakatifu, ndibakhola mukende mungila change nekamalaka kange, mukhabe nekimisaango kiange, nekhukikhola.

Kaba bali kuMwoyo kwa Weele kwekhala mwinywe, semunyala mwalonda kumubili ta, Mulalonda biekumwoyo. Omundu yesi okhali neKumwoyo kwa Kristo saali owewe ta. — Baroma 8:9

Bikholwa bie Barumwa 11:24

Sikila niye aba omundu omulayi, eechula kuMwoyo kumutakatifu nelisubila; bandu bakali beecha mukhusubila Omwami.

Luka 11:13

Nono, kaba bali enywe bamaayanu mumanyile khukaba babana benywe biaanua bilayi; Ne! Papa oli mwiikulu salichilila khuelesia kuMwoyo kuMutakatifu khwaabo bamusaba?

Bikholwa bie Barumwa 1:8a

Ne mulinyoola kamaani nemumalile khunyoola kuMwoyo kuMutakatifu; enywe mukhabe baloli bange

Bikholwa bie Barumwa 4:31

Nebamala khusaba Weele, abundu niobekhala aarenga mala boosi banyoola kuMwoyo kuMutakatifu balomaloma likhua lia Weele nebunyindaafu.

Esapuli 34:18

Omwami ali eembi khwaabo babafunikha kimioyo lundi bakololofu mumwoyo.

Isaya 66:2

Khubeela bibindu biosi kumukhono kwange nikwo kwabikhola, lundi ebino biosi bili bibiange; ndalolelela omundu omwaangu, owe kumwoyo kumukololofu orengera likhua liange.

1 Petero 4:12, 13

Basiime mukhabona khuba bieliukia khumakhako niko munyoola akari wenywe kabanyoola nga kumulilo khubakhaka, kamena-

ko sekali sindu sikeni khwinywe ta, Enywe mweesi mukhakwa nga Kristo, musaangalile mukhwikuli-bwa khwebubwaamibwe, mwekhoye lukali.

Khukhwikulibwa 21:4

Naye alieeya kamasika mumoni chabwe, lifwa selikhabeo ta; sibelega, khulila, nebuchuuni sebilibao lundi ta, kamakhua kekhaale kakhaweo.

Esapuli 37:3

Yeikina OMWAMI okhole kamalayi, wikhaale musibala, osiimisibwe nebubwesikwa.

Esapuli 34:19

Binyaasio bili bikali khuyo okhola bulayi ne Omwami anyala khumuonia nende koosi.

Isaya 43:2

Nobirira mumechi kamakali ese khabe nawe; wakhabira munyanja selikhukhola bubi ta, wakhakeenda mumulilo sekulikhwo-sia ta; chinjaso chekumulilo sechilikhukhola bubi ta.

1 Bakorindo 10:13

Mbao likhako linyala liabanyoola nelikhali likhako liabuli nyanga linyoola babaandu boosi; Weele ali Omwesikwa; niye salibalekha mukhakwe khubirakho

nga munyala ta; buli likhako akhola kumuliango khwekhurura, nio munyoole khukhila.

Baroma 8:28

Khumanyile khuli mumakhua koosi Weele akhola kimilimo nenaabo babamusiima mukhuba-kholela bulayi abo babalangwa khulwe khukhwenya khwewe.

Baroma 16:20

Ne Weele wekimilembe alakhola Sitaani abe mubikele bienywe khangu. Siisa siOmwami wefwe Yesu Kristo sibe nanywe mweesi.

Khubeela niye anyasibwa nekhukhakwa, anyala khuyeta bakhakwa. — Baebrania 2:18

Khukhwikulibwa 21:7

Oyo olikhila aliruka nase mu-bwaami, ese khabe Weele wewe, yesi akhabe omwana wange.

Khukhwikulibwa 3:5

Oyo olikhila alifwaalwa chi-ngubo chiwanga, sekharusiemo lisina liewe musitaabu siebulamu, ndieyama lisina liewe ebweeni wa Papa wange nende ebweeni webamalaikabe.

Khukhwikulibwa 3:21

Oyo olikhila, ndimukhola ekhale nase khusisaala sieburuki, nga sesi nenakhila mala nekhala ne Papa wange khusisaala sieburuki.

Khukhwikulibwa 3:12

Oyo olikhila ndimukhola abe enjeko nunju eya Weele wange sakhauyemo ta, khaandike lisina liewe khu Weele wange, ne lisina lielukoba Iwa Weele wange, nilwo Yerusalemu embia erura khukhwama mwiikulu wa Weele wange, nelisina liange samweene, lisina liyia.

Khukhwikulibwa 2:7

Oyo oli nekamaru, aulile likhua nilio Kumwoyo kubolela kamakanisa. Oyo olikhila ndimuelesia khulia khumusala kwebulamu, okwo kuli mubulimebwa Weele.

46 Weele Alomaloma Nafwe Khumakhua Kekhulekhana

Matayo 5:32

Mbabwelela ndi buli mundu oli-lekha omukhasi wewe akhali khumakhua kebuweii ta, amukhola khuba omuweii ne yesi oreera owalekhwa akhola buweii.

1 Bakorindo 7:10, 11, 39

Nabo babamala khuyila mbabwelela; sendi ese ta, wabula Omwami niye obola omukhasi akhalekhana nomuseecha wewe ta; nekaba nebalekhaane, ekhale busa akhacha khumundu okundi ta, namwe ang'oone kamakhua nomuseecha wewe; omuseecha akhalekha omukhasi wewe ta... Omukhasi saacha khumundu oku-

ndi kaba omuseecha wewe naasili omulamu ta, nekaba omuseecha wewe nafwiile, anyala khucha khumundu yesi niyo enyile; mala muMwami yeng'ene.

Baroma 7:2, 3

Khubeela omukhasi owateekha aboywa nelilaka omuseecha wewe naasili omulamu; omuseecha oyo nafwa, omukhasi aba omulekhuule khwiilako lienelio Omuseecha wewe naasili omulamu mala niye naba nomuseecha okundi alalangwa omweii. Omuseecha nafwiile aba omulekhuule saboywa nelilaka lienelio ta, nacha khukundi aba sakhola buweii ta.

Yoana 14:3

Nono ese nenja khubakholela kamekhalo, ndikalukha lundi mwingisie ewange; niyo ese ndi mweesi mubeeyo.

Bikholwa bie Barumwa 1:11

Baboola bali Enywe babaandu baGalilaya, mwimile ano nemulolelela mwiikulu siina? Yesu yuno obukulwe khurura khwinywe nacha mwiikulu alikalukha busa ario nga mumuboone nacha mwiikulu.

Marko 8:38

Khubeela omundu yesi olikholela chisoni nekamakhua kange mulwibulo luno lwesiibi, Omwa-

na wOmundu yesi alimukholela chisoni omundu mwenoyo naalicha mubwaami bwa Papa wewe alala nebamalaikabe batakatifu.

Yakobo 5:8

Enywe mweekhalilikhe, mwo-mbakhe kimioyo kienywe kubeele khukhwiicha khwOmwami khwoolile.

Matayo 24:30

Sikhaabeo silolelo siOmwana wOmundu mwiikulu; chikholo choosi chesibala chikhalile, nebaliboonna Omwana wOmundu mumaleesi keMwiikulu alala nekaamani kamakali keburuki bwe.

48 Khukhwiicha Khwa Kristo Khwekhaabili

Luka 21:27

Abwenao bakhabone Omwana wOmundu nekeecha mumaleesi nekamaani keburuki bwe.

Luka 12:40

Nono mweesi mwekholelele, khubeela biise nibio mwibilila abwenao Omwana wOmundu nibio eechelamo.

1 Yoana 3:2

Basiime, biise bino efwe khuli babaana ba Weele, siise sikhoola khwifwe khuba khurio ta; efwe khumanyile busa khuli nalibonekhana, khulimufwaana; khulimubona nga naali.

Khukhwikulibwa 16:15

Bona, ndikho nicha nga omwifwi. Buli bulayi khu yesi olinda, nekhusiinga chingubo chewe, akhakeenda sichula ta, babaandu bakhabona sichula siewe ta.

Matayo 24:27

Nga lueeni nelumeniukhanga khukhwama ebukwe nelulola mumbo, Omwana wOmundu yesi aliicha ario.

Matayo 16:27

Khubeela Omwana wOmundu akheeche muburuki bwaRaRawe alala nebamalaikabe; ne aliruu nga buli mundu khulondana ne-bikholwa biewe.

Likhua Lia Weele

Khubeela bung'oosi bwoosi se-bweecha khulwe khukhweenya khwomundu ta; wabula babaandu baboola kamakhua karura khu Weele, nga nilwo beemelelwa neku-Mwoyo kuMutakatifu.

—2 Petero 1:21

Liikulu nesibala bikhaweo, kamakhua kange sekaliwo ta.

—Luke 21:33

Buli liaandiko lia Weele liarebwa-mo kumuuya kwa Weele, lilayi nilio lundi likhoyeele khukhwekesia nekhukambila bandu khumakhua kamabi, lundi lilayi khukhwimelela, nekhubiya mung'ali.

—2 Timotheo 3:16

Yesu abakalusia ababolela ali mwatiba, khubeela semumanyile kamaandiko namwe bunyali bwa Weele ta.

—Matayo 22:29

Likhua lioo nilio etaa ebebikele biange, lundi buli buwanga bwe-ngila yange.

—Esapuli 119:105

Khubeela likhua lia Weele lili lilamu, lundi lili nekamaani, lundi lili liliooki khukhila embalu, lundi lirema khukabania bulamu neku-mwoyo, nemumakumba, nekama-fura kamwo, lundi liliaangu khumanya kameebasio kekumwoyo.

—Baebrania 4:12

Text reprinted from the Bible in Lubukusu by permission of United Bible Societies Africa Regional Centre, Nairobi, Kenya.

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, Indiana 46553 U.S.A.